

कृ॒न्ति त॒स्मादा॒ह वि॒श्वः॑ हि॒ रि॒प्रं प्रव॒हन्ति॑ दे॒वीरि॒ति ॥ ११ ॥ अ॒थ प्रा॒डि॒वो॒दङ्-
 दु॒त्क्राम॑ति । उ॒दि॒दाभ्यः॑ शु॒चिरा॒ पूत॒ एमी॒त्यु॒द्वाभ्यः॑ शु॒चिः पूत॒ एति ॥ १२ ॥ अ॒थ
 वा॒सः परि॑धत्ते । सर्व॒वा॒यैव॒ स्वामे॒वास्मि॑न्नेत॒त्त्वचं॑ दधाति या॒ ह वा॒ऽइ॒यं गो॒स्त्व-
 क्पु॒रुषे॑ ह्यैषा॒ग्रऽआ॒स ॥ १३ ॥ ते दे॒वा अ॒ब्रुवन् । गौ॒र्वा॒ऽइ॒दं सर्वं॑ बिभर्ति कृ॒न्त॒
 ये॒यं पु॒रुषे॑ त्वग्ग॒व्येतां॑ द॒धाम॒ त॒यैषा॑ वर्ष॒न्तं त॒या हि॒मं त॒या घृ॒णिं ति॒तिक्षि॑ष्यत
 ऽइति ॥ १४ ॥ ते॒ऽव॒हाय॒ पु॒रुषम् । ग॒व्येतां॑ त्वच॒मद॒धुस्त॒यैषा॑ वर्ष॒न्तं त॒या हि॒मं
 त॒या घृ॒णिं ति॒तिक्षते ॥ १५ ॥ अ॒व॒ह॒न्ति हि॒ वै पु॒रुषः॑ । त॒स्माद॒स्य य॒त्रैव॒ क्व च॑
 कु॒शो वा॒ यद्वा॒ वि॒कृ॒न्त॒ति त॒त ए॒व लो॒हित॒मुत्प॑तति त॒स्मिन्नेतां॑ त्वच॒मद॒धुर्वा॒स
 ए॒व त॒स्मान्नान्यः॑ पु॒रुषा॒द्वा॒सो बिभ॑र्त्येता॒ऽह्यस्मि॑न्स्त्वच॒मद॒धुस्त॒स्मादु॒ सुवा॒सा ए॒व
 बुभू॑षेत्स्व॒या त्वचा॑ स॒मृ॒द्धाऽइति॑ त॒स्माद॒प्यश्ली॒लः॒ सुवा॒ससं॑ दि॒दक्ष॑ते स्व॒या हि॒ त्व-
 चा॑ स॒मृ॒द्धो भ॒वति ॥ १६ ॥ नो कृ॒न्ते गो॒र्न॒ग्नः॒ स्यात् । वे॒द ह॒ गौ॒र॒ह॒मस्य॑ त्वचं
 बिभ॑र्तीति सा बिभ्यती त्रसति त्वचं म॒ऽआ॒दा॒स्यत॑ऽइति॒ त॒स्मादु॒ गा॒वः सुवा॒सस-
 मु॒पैव॑ नि॒श्रय॑न्ते ॥ १७ ॥ त॒स्य वा॒ऽए॒तस्य॑ वा॒ससः॑ । अ॒ग्नेः पर्या॑सो भ॒वति॑ वा॒यो॒र-
 नु॒हादो॑ नी॒त्रिः पि॒तृणा॑ः सर्पा॒णां प्र॒धातो॑ वि॒श्वेषां॑ दे॒वानां॑ त॒त्तव॑ आ॒रोका॑ न॒क्ष-
 त्रा॒णामे॒व॑ हि वा॒ऽए॒तत्सर्वे॑ दे॒वा अ॒न्वा॒य॒त्तास्त॒स्मादो॑क्षितव॒सनं॑ भवति ॥ १८ ॥
 तद्वा॒ऽअ॒कृतः॑ स्यात् । अ॒यात॑याम॒तयै॑ तद्वै नि॒ष्येष्ट॒वै ब्रू॒याद्य॑ दे॒वास्या॒त्रामे॒ध्या कृ॒-
 ण॑न्ति वा व॒यति॑ वा त॒दस्य॑ मे॒ध्यम॒सदिति॑ य॒द्युऽअ॒कृतः॑ स्या॒दद्भि॒रभ्यु॒क्षेन्मे॒ध्यम॒स-
 दित्य॒थो य॒दिदं॑ स्नातव॒स्यं नि॒क्षि॒तम॒पत्पू॒लन॑कृतं भ॒वति॑ ते॒नो कृ॒ापि॑ दी॒क्षेत॑
 ॥ १९ ॥ तत्प॒रि॒धत्ते । दी॒क्षा॒त॒प॒सोस्त॒नूर॒सीत्य॑दी॒क्षित॒स्य वा॒ऽअ॒स्यैषा॒ग्रे त॒नूर्भव॑त्य-
 था॒त्र दी॒क्षा॒त॒प॒सोस्त॒स्मादा॒ह दी॒क्षा॒त॒प॒सोस्त॒नूर॒सीति॑ तां त्वा शि॒वाऽश॒ग्मां परि॑-
 दध॑ऽइति तां त्वा शि॒वाऽसा॒धीं परि॑दध॑ऽइत्ये॒वैत॒दाह॑ भ॒द्रं व॒र्णं पु॒ष्यन्ति॑ पापं
 वा॒ऽए॒षो॒ऽग्रे व॒र्णं पु॒ष्यति॑ य॒ममु॒मदी॑क्षितोऽथा॒त्र भ॒द्रं त॒स्मादा॒ह भ॒द्रं व॒र्णं पु॒ष्य-